

# Nalane ea Thuto ea Moshe



## SABATHA MANTSIBOEA

**Bakeng Sa Thuto ea Beke ena Bala:** *Deut 1–3, Exod. 32:29–32, Num 14, Baef. 3:10, Gen. 15:1–16, Joh14:9.*

**Temana ea Khopolo:** “Ba jele bohle sejo se le seng sa moea; ba noele bohle seno se le seng sa moea; hobane ba ne ba e noa metsi a lefika la moea le ba latelang, ’me lefika leo e ne e le Kreste.” (1 Bakorinthe 10:3, 4).

**A** Na ke mantsoe a builoeng ke Moshe” (*Deut. 1:1.*). Buka ea Deuteronomi e qala joalo. Le ha Moshe le boteng ba Moshe bo hlahella haholo bukeng, mantsoeng ana a bulang ho fihlela lefung la hae naheng ea Moabe (*Deut. 34:5*), Deuteronomi, (joalokaha Biblele eohle) e malebana le Morena Jesu. Hobane ke eena ea re bopileng (*Genese 1, 2; Johanne1:1–3*), ea re phelisang (*Bakolo. 1:15–17, Baheb. 1:3*), ea re pholosang (*Esa. 41:14, Tite 2:14*). Ka hona, kelellong ea motho ea bonang ho hloleha mantsoeng ana, Deuteronomi e senola kamoo Molimo a ntšetsang tlhohleho pele kateng, ho e baballa, le ho pholosa batho ba hae nakong ena e mahlonoko nalaneng ea pholoho.

Ha e le hantle, joalokaha bana ba Iseraele ba qetella ba le mathuleng a ho kena Kanana, Moshe o ba fa thuto ea nalane, ’moko-taba o lulang o pheta-phetoa Bibeleng eohle: *hopola seo Morena a u etselitseng sona nakong e fetileng.*

Khalemelo ena e tlameha ho bolela ho hong ho rona, rona ba meeling ea lefatše la pallo le betere: “Ha re lekola nalane ea rona e fetileng, moo re tsamaileng teng hore re fihle mona... ke makala haholo, ke utloa ke tšepa Jesu joaloka moetapele oa rona. Ha hona seo re ka se tšabang bakeng sa bokamoso, ntle leha feela re ka lebala kamoo Morena a re tataisitseng kateng, lee lithuto tseo a re rutileng tsona.”—Ellen G. White, *Life Sketches*, leq. 196.ola ho seo Kreste a fanang ka sona ho bohle ba tlang ho eena ka tumelo le ka kutlo.

\*Ithute Thuto ea Beke ena Ho Lokisetsa Sabatha sa la, 9 Mphalane.

## Bosebeletsi ba Moshe

Boteng ba moshe bo utloahala Bibeleng eohle. 'Me le ha ho sa buuoe ka eena ho Exoda 2:2, o ngotse buka ea Genese, Pale ea matla a Molimo e phetang motheo oa seo re leng sona, hape, le kamoo re ka tšepang kateng. Tlholeho, ho oa, tšepiso ea topollo, moroallo, Abrahama, evangeli—tsohle tsena metso ea tsona e ho Genese, eo sengoli sa eona eleng moporofeta Moshe. Ho thata ho kala ka nepo tšusumetso eo monna enoa, ea neng a sa atise ho fosa, a tsebileng ho sebeletsa Molimo hobane a ne a rata Molimo a bile a batla ho mo sebeletsa.

**Bala** Exoda 32:29–32, e rekotang puisano ea Moshe le Molimo kamora sebe se sehlohali sa namane ea gauta. Ke kutloisiso efe eo pale ee e re rutang eona malebana le semelo sa Moshe, 'me hobaneng, ho sa natsoe liphoso tseo a bileng le tsona, Molimo a atlehile ho mo sebelisa ka matla hakaalo?

---

Leha ho se letho leo Moshe a neng a le entse sebeng sena, o ile a leka ho kena lipakeng bakeng sa baetsalibe bana, a bile a ikemiselitse ho shoela baetsalibe bana. Se thahasellisang haholo, ho Exoda 32:32, ha Moshe a kopa hore Molimo “a ba leballa sebe sena,” leetsi lena le bolela “ho jarela.” Ka hona, kaha Moshe a ne a utloisisa boima ba sebe le se hlokehang bakeng sa pheko ea sona—a kopa Molimo hore “a ba jarele” sebe sa bona. Ke ka hobane ke eona fela tsela, qetellong, sebe sa bona, sebe sefe kapa sefe, se ka tšoareloang.

Ka hona, esale qalong ea Biblele, re na le pontšo e matla ea ho nkela sebaka, eo Molimo ka boeena, ka motho Jesu, a tlang ho jara kotlo eohle ea sebe sa rona—tsela ea Molimo e tlotsuoeng e isang pholohong ea motho, ha motho a tšepahalla metheo ea 'muso le molao oa hae.

Ruri, lilemo-lemo kamora moo, Peterose o ne a tla ngola ka Jesu: “Eena ea jereng libe tsa rona meleng oa hae sefapanong, hore re shoe ka nga' ea libe, hore re tle re phelele ho loka; eo re folisitsoeng ka matetsetso a hae” (*1 Petr. 2:24*).

Ho sale joalo, seo re se bonang paleng ena ea Moshe le kamoo a arabetseng kateng sebeng sa bona, re bona Moshe a bapala karolo ea ho ba mokena-lipakeng molemong oa batho ba oeleng ba baetsalibe, eleng se bontšsang seo Jesu a neng a tla re etsetsa sona (*sheba Baheb. 7:25*).

**O ikemiselitse ho lahlehela ke bophelo ba hae bakeng sa batho ba hae? Thuhisisa ka botebo se boleloang ke mantsoe ana. See se bolelang ho rona malebana le ho rata ba bang e le ka 'nete?**

## Boporofeta bo Phethahetseng

Ntle le liphoso tse ling tseo saense ea morao tjena e lekang ho li etsa 'nete (tse kang hore maholimo le mafatše li tsoa “nthong e sico” kapa hore bophelo bohle bo teng lefatšeng bo tlile ka tšohanyetso ho tsoa likh'emikaleng), saense e re butse mahlo haholo malebana le matla a Molimo a bonōno. Nyallano, teka-tekano, ho tsamaea seporong ha ntho tse ngata tlholehong, li tsoela pele ho makatsa ba ithutang tsona.

'Me haeba Molimo a ka hlaka hakana nthong tsa tlhaho, kannete o tla hlaka joalo le nthong tsa semoea. Ka hona, re bona ho hlaka ho hlolang litemaneng tse bulang buka ea Deuteronoma.

### **Bala** Deuteronoma 1:1–6. Bohlokoa ba boporofeta ba hore e be Deuteronoma 1:3 e buoa ka “selemo sa mashome a mane” ke bofe?

---

Kamora mofereferere, kamora hore Moshe a romelle lihloela ho ea hloela naha, e be batho ba hana taelo ea ho nka lefatše—ho ile ha etsahalang? Ba ile ba bolelloa hore ba keke ba kena lefatšeng la pallo joaloka ba ne ba lebeletse. 'me ba ne ba ema nako e kae pele ba ka kena fatšeng la pallo? ““Joalokaha le qetile matsatsi a mashome a mane le hloela naha, ka mokhoa o joalo le tla jara kotlo ea makhopo a lona ka lilemo tse mashome a mane, selemo se le seng, se eme bakeng sa tsatsi le le leng; 'me le tla tseba hore na ke ntho e joang ha le furaletsoe ke 'na.’” (Numer. 14:34.).

Ka hona, Deuteronoma e nka ho tloha selemong sa mashome a mane, hantle joalokaha Molimo a ne a ba boleletse. Ka mantsoe a mang, lentsoe la Molimo la boporofeta le tšepahala joaloka eena, 'me seo re se bonang litemaneng tsena tse bulang tsa Deuteronoma ke bopaki bo bong ba ho tšepahala hoo; ke hore, Molimo o tla etsa seo a itseng o tla se etsa, ka nako eo a itseng o tla se etsa ka eonaa.

Ehlile, ena ha se eona feela nako ea boporofeta e ileng ea etsahala hantle joalokaha Molimo a bontšitse. Ha re boela re sheba monyetla oa rona kajeno, re ka o fumana ho Daniele 9:24–27, mohlala, nako ea Jesu, e ile ea etsahalla hantle joalokaha Jehova a ne a itse e tla etsahala. Rea bona hore “nako le bohare ba nako” (Dan. 7:25; sheba le Tsen. 12:6, 14; Tsen. 13:5) e etsahetse nalaneng, le oona matsatsi a 2,300 a Daniele 8:14.

'Me ntle le nako e sa fosahaleng, boporofeta ba Daniele 2,7,8, bo porofetileng nalane ea lefatše botsekeng, bo re file bopaki bo bongata ba tsebo ea Molimo ea tse tlang ho etsahala, taolo ea hae, le ho tšepahala.

**Re ka bona hore Jehova o fetse a tšepahalla ho phethahatsa boporofeta bona bo fetileng joalokaha a ne a bontšitse. Hobaneng see se lokela ho etsa hore re mo tsepe linthong tseo a tšepisitseng hore li etsahala, empa li e-so etsahale?**

## Ngatafalo ea Ha Sekete

Kamora leeto le le lelele lehoateng, Moshe a buella Jehova (e n'e le moporofeta, leha feela a ne a fetisa moporofeta) a re: “Bonang, ke beile lefatše pela lona, kenang; 'me le rue lefatše leo Jehova a le anetseng bo nta'ta lona, Abrahama, Isaka, le Jakobo, hore o tla le nea bona le litlohloana tsa bona kamora bona” (*Deut. 1:8*).

Leha ho le joalo, hlokomela se latelang seo.

**Bala** Deuteronomya 1:9–11. **Bohlokoa ba mantsoea aa ke bofe, haholo holo ha re tla tabeng ea hore, ha e le hantle, Molimo o ne a ba otlela borabele ba bona Kadeshe Barnea?**

---



---

Mona re bona mohlala o mong oa mohau oa Molimo. Le hara ho solla hara lehoatata, ba ne ba hlohonolofalitsoe: ere re mohlala o mong oa mehauhelo ea Molimo. Le bohareng ba lefella, ba nnile ba hlohonolofatsoa: “Ka lilemo tse mashome a mane.... o 'nile oa ba o'tla feelleng; ha ba a ka ba hloka letho, liaparo tsa bona ha li'a ka tsa senyeha, le maoto a bona ha a ka a ruruha.” (*Neh. 9:21*).

Joale hape-hape, Moshe, kaho bontša lerato la hae ho Molimo, a kopa Molimo ho ba atlehisa ha sekete ho feta kamoo a neng a ba hlohonolofalitse keteng!

**Bala** Deuteronomya 1:12–17. **E le litholoana tse otlohohileng holim'a bona, se ileng sa etsahala ke sefe, 'me Moshe o ile a nka likhato life ho loantšana le maemo aa?**

---



---

Ka hona, leha Molimo a ne a le teng ka matla hara bona, ho ne ho e na le tlhokeho ea tlhophiseho, ea leano, ea mokhoa o nang le ponahaletso oa tšebetso. Iseraele e ne e le *qahal*, phutheho e hlophisehileng, (*sheba Deut. 31:30*), ketella pele ea Testamente e Ncha, *ekklesia*, Segerike se bolelang “kereke” (*sheba Matt. 16:18*). 'Me leha Paulosi a ne a sebetsa maamong a fapaneng, le ka mohla o ne a se hole le metso ea hae ea Bojude, 'me ho 1 Bakorinthe 12 re 'mona hantle a bontša tlhoko ea batho ba nang le makhabane a itseng bakeng sa ho etsa mesebetsi e itseng ho latela lineo tsa bona bakeng sa hore 'mele o sebetse hantle.

Leha ka nako e 'ngoe re utloa sena e le fense khahlanong le bolumeli “bo hlophisehileng” (ba ka khetha eng, bolumeli “bo sa hlophisehang?”), Lentsoe la Molimo, haholo-holo Testamente e Ncha, e chaella monoana bolumeli bo hlophisehileng feela.

## Kadeshe Barnea

Ketsahalo e bohloko e tletse likarolo tse qalang tsa buka ea Deuteronoma, eona ke e neng e etsahale Kadeshe Barnea. Pale ena e mali-mabe, joalokaha re se re bone, ke eona e re fang maemo a haufi-ufi a ketsahalo ea litaba bukeng ea Deuteronoma, ka hona, ho bohlokoa ho e nyakurelisisa buka ena.

**Bala** Numere 14. Batho ba ile ba arabela tlaheho ea lihloela joang, 'me litla-morao tsa karabo ee ea bona e bile life? (*Sheba le Deut. 1:20–46.*)

---

Re ka fumana lithuto tsa bohlokoa paleng ena, empa karolo e 'ngoe ea thuto tsa bohlokoa, e tla boela e hlahella hape bukeng, e ka fumanoa hape ho Numere 14.

**Bala** Numere 14:11–20. Leha re boetse re bona Moshe a nkile karolo mokena-lipakeng, bohlokoa ba tsela eo a behang mabaka ka eona ho Molimo malebana le hore na hobaneng Molimo a sa lokele ho ba timetsa ke bofe?

---

Nahana ka se neng se buuo ke Moshe ho Molimo. *Haeba u etsa sena, bona joale na u tla hlaha joang mahlong a Baegepeta le lichaba tsena kaofela.* Taba ena e bohlokoa hobane qetellong, sohle seo Molimo a neng a batla ho se etsa ka Baiseraele, se ne se le molemong oa Baiseraele feela; se ne se boetse se le molemong oa batho bohle. Sechaba sa Iseraele se ne se lokela ho ba leseli la lefatše lohle, lipaki tsa mehleng eo malebana le lerato le matla a Molimo a pholosang a fumanoang Molimong oa 'nete eseng melingoaneng ea maiketsetso eo esale batho bana ba e khumamela.

Leha ho le joalo, Moshe o ile a re, haeba u timetsa sechaba sena, joale ho tla etsahlang? Lichaba li tla re: “Jehova o hlokile matla a ho isa batho bao fatšeng leo a neng a hlapantše hore o tla ba nea lona, ke ka hona a ba timelitse feelleng” (*Numer. 14:15*).

Ka mantsoe a mang, seo re se bonang mona ke 'moko-taba o fumanoang hohle ka Bibeleng: taba ea hore Molimo o tlameha ho halaletsoa bathong bohle ba hae—hore khanya le molemo le lerato le matla li tlameha ho bontšoa ke kereke ea hae, ka seo a se etsang bathong ba hae. E, hangata batho ba hae ha ba etse hore sena se be bonolo hore a se etse, empa qetellong Molimo o tla tlotlisoa ka liketso tsa hae lefatšeng.

**Bala Baefese 3:10.** Paulosi o reng moo, 'me sona se etsahala joang? “bohlahe ba Molimo bo hlokang tekanyo” bo bonahala joang maholimong le lefatšeng? Ke karolo efe, ebang e teng, eo re nang le eona re le batho ho ka etsa hore see se phethahale?

## Bobo ba Ba-Moabe

Ho Deuteronoma 2 le 3, Moshe o tsoela ho pheta nalane ea Ieraele le kamoo, ka tlhohonolofatso ea Molimo ba ileng ba kokobetsa lira tsa bona ha ba ne ba tšepahala, Molimo o ile a ba fa tlhoho, le holima “linatla” (*Deut. 2:11, 20; Deut. 3:13*).

Ehlile, sena se tlisa sehlooho se thata, seo bonyane re lokelang ho se nyakurela, malebana le timetso ea batho bana. Leha bana ba Iseraele ba ne ba atisa ho qala ka ho tlisa khotso sechabeng, (*Deut. 20:10, 11*), leha ho le joalo, ebang sechaba seo se sa amohela kopo eo, ka nako tse ling Baiseraele ba ne ba kena ntoeng ba timetse banna le basali. “Jehova, Molimo oa rona a re neela eena, ’me ra mo hlola, eena le bana ba hae le sechaba sa hae kaofela. Motsotsong oo, ra hapa metse eohle ea hae, ra e neela thohako, le banna, le basali, le bana, re se ke ra tlhela le a mong ea phonyohang.” (*Deut. 2:33, 34*).

Batho ba bang ba leka ho qhekella taba ena ka hore pale tsena ha se tsa ’nete. Leha hole joalo, kaha re lumela hore "Lengolo lohle le bulutsoeng ke moea oa Molimo, le na le molemo oa ho ruta, oa ho kholisa, oa ho laea, le oa ho holisa ka khoho ea ho loka." (*2 Tim. 3:16*), seno ha se tharollo e tsoarehang ho Masala. Ka hona, re sala le potso e thata malebana le ketsahalo tsena.

**Bala** Genese 15:1–16. Molimo o ile a reng ho Abrame ho Genese 15:16, ’me ke joang e fanang ka leseli sehloohong see se thata?

---

Ha ho potang bongata ba lichaba tsena tsa bahetene li ne li khohlahetse hona hoo li neng li lokeloa ke khalefo le kotlo ea Molimo nako e telele pele ho moo. Seo ke ’nete, leha Molimo a ne a ka ba le mamello a ba emela hore ba fetole mekhoha ea bona, e be ha ba fetohle—sena se ntse se sa fetole ’nete e thata ea hore ho ne ho bolaoa bohle, le bana. (E, bana ba bangata ba tlameha ba bolailoe ke moroallo oa metsi ho feta ba bolailoeng ke Baiseraele.)

Taba ke hore, ha joale, ka leselinyana le fokolang leo re nang le lona ka maemo a feletseng a liketsahalo tsen, re tlameha ho amohela ’nete ena e thata ’me re lumele botleng ba Molimo, bo bonahalitsoeng ka litsela tse ling tse ngata. Tumelo ha se feela ho rata Molimo ha ntho li le bothebebele, o lutse moriting o motle o nang le melumo e monate. E boetse ke ho tšepa Molimo ho sa natsoe seo re sa se utloisiseng hantle.

**Bala 1** Bakorinthe 10:1–4 le Johanne 14:9. Litimana tsena, le tse ling tse tsoanang le tsona, li re thusa ho ithuta ho tšepa lerato, toka, le molemo oa Molimo joang, leha re bona ntho tse thata ho li utloisisa ho ka bapisoa le boleng boo ba Molimo?

**Ho Ithuta ka Botebo:** Sebali-bali se seng se leka ho araba lipotso tse thata tse malebana le seo Baiseraele ba se entseng tse ling tsa lichaba:

“Joaloka moetsi oa tsohle tse teng, le joaloka ea matla ohle, Molimo a ka etsa sohle seo a se hlokang ka mang kapa mang, ’me a nepe ka ho etsa joalo....

“Litsela tsa Molimo ke liphiri. Kaha ha ho mohla re tla mo utloisisa ka botlalo, re ka boela ra khoba matšoafu e beile lipotso tsena ka likelellong tsa rona. Esaia 55:8–9 e fana ka khotsofatsi.”

“Ho latela setšoantšo sa Bibe le sa Ba-Kanana, batho bana ba ne ba fela ba khohlahetse, timelo ea bona e ne bontša kotlo ea sebe sa bona. Timetso ea bona e n’e se ea pele ebile e se khetlo la ho qetela Molimo a etsa joalo. Phapano pakeng tsa timelo ea Bakanana le timelo ea batho bohle (ntl le lelapa la Noe) joalokaha e bontšoa ho Genese 6-9 e kenyelelitse boholo le maemo a tlokotsi . . .

“Ha ho mohla Molimo a kileng a ikemisetsa ho etsa Baiseraele leano la herem [ho timetsa sohle] hore e be leano le sebelisoang ho bohle bao eseng Baiseraele. Deuteronomy 7:1 e hlalosa hantle ebile e notla lichaba tseo eleng liphofu. Baiseraele ba ne ba sa tlameha ho sebelisa leano lena khahlanong le Ma-Aramina, Ma-Edomo kapa Baagepeta, kapa mang kapa mang (bapisa le Deut. 20:10–18....

“Bakanana ba ile ba hlaheloa ke koluoa e tla hlahela baetsalibe bohle qetellong: kahlolo ea Molimo....

“Ho ne ho hlokeha hore Molimo a timetse Bakanana nalaneng ea topollo....

“Leha Bakanana bohle e n’e le liphofu tsa kahlolo ea Molimo, bonyane ba bile le lilemo tse 40 tsa temoso (sheba boipolelo ba Rahaba ho Josh. 2:8–11).”—Daniele I. Block, *The NIV Application Commentary: Deuteronomy* (Grand Rapids, Mich.: Zondervan, 2012), maq. 98, 99.

## Lipotso tsa ho Qoqa:

- ❶ Nahana ka kutloisiso ea rona ea lemo tse sekete, moo re tla ba le lemo tse sekete tsa ho araba lipotso tsa rona tse thata. See se ka re thusa joang ho tšepa Molimo ho sa natsoe lipotso tse thata tseo re nang le tsona ha joale?
- ❷ Tse ling tsa litsela tseo Molimo ao fetisitseng ho tsona nakong e fetileng tse ka u thusang ho ithuta ho mo tšepa nakong e tlang ke life? Ke hobaneng ho le bohlokoa hore re se le bale tseo Molimo a li entseng maphelong a rona?
- ❸ Ka sehlopheng, khutlelang potsong e qetellong ea thuto ea Sontaha, malebana le boikemisetsa ba Moshe ba ho lahleheloa ke bophelo ba hae molemong oa sechaba sa hae. Na ho nepahetse ho ba le moea o joalo? Ke sefe, haeba se ka ba teng, seo motho a ka mpang a lahleheloa ke bophelo ba hae ka baka la sona, haholo-holo ha re sheba se qositseng theko ea ho se pholosa?